

湖北詩徵傳略

湖北詩徵傳略卷二十二目錄

雲夢

明 鄒觀光

安北

程德良

國朝 馮其世 弟其昌

張奎華

袁 嗽

柳維欽

馮永裕

田制祿

許文壯

李元奮 弟元獻

馮炳時

馮廷鋈

程應璜 弟應琪

楊耀瑚

彭維炯

張汝弼

蔡作桂 弟作杞

許兆桂 子熙

許兆椿 弟兆棠

萬 昌

萬法周

汪 楫

李 蓀 弟華

李 英

石璞玉

汪若海

萬化成 子震

江源長

楊世英

王 麟

戴亨遠

戴利和

郝師竄子謙

曾繼蘭

戴利均弟利玉

王公塤

左源

程懷璟子齊訥

程齊詰

馮瑄

左長鎮

左瑛

安照

馮德璜

尹悟棠

釋元祚

開李淑貞

湖北詩徵傳略卷二十二

雲夢

孝感丁宿章星海輯 子溥校字

明 鄒觀光

字孚如萬曆進士官太僕卿有孚如集

觀光爲吏部郎時公平廉正門無私謁性孝友丁父憂廬墓三年藏書數千卷於學宮勒石記之俾士就讀建尙行書院又嘗講學東林學者稱大澤先生時道風甚暢如周海門鄒南皋顧涇陽高景逸蕭漢冲諸先輩風動海內相與切劘在銓曹時尤與南皋契釐剔奸弊時有二鄒之日著銓事記十篇

三楚文獻彙稱觀光與魏允中顧憲成以文學經濟相砥礪在吏部發諸吏增減文書拜官事抵罪者數百人一洗部弊因陳

論不合乞歸養事親十餘年起官甫擢太僕卽卒是其平生建樹固不徒以詞章見長矣

四庫書目提要

當世論才必曰楚京山

李維楨

齊安

王廷陳

下雒

吳國倫

皆翹然者猶

未足以折海內之心而奪之氣至近日而雲杜江夏二三君子始張楚矣乎如古詩深沈近體流麗蓋取韓杜於楮穎之上

葉節

向高撰詩序

九日偕書院諸士登萬古閣云茲閣名萬古萬古儼在茲今晨風日佳相與一振衣仰窺鴻濛前俯溯塊圯時茲地與茲日高會良以稀雨儀吐霽色萬象逗晴暉彷彿見秦岱蒼翠臨窗扉江漢指顧間濯德以樂飢吞之不芥蒂納之成須彌選勝何必

廣微尙幸不違吾生信有涯競與無涯垂堅白與同異安知曉
是非斯人自吾徒舍之將與誰月明吹萬靜吾與咏而歸欲卜
居東陽云秋入園林澹閒庭送晚陰蕭疎成野景徙倚稱幽心
草樹侵衣冷蓬蒿落徑深清宵鐙火靜萬籟若爲音倦仍投筆
去閒卽載書來已近黃花節能無竹葉杯江山千古色詞賦一
時才試望晴絲捲浮陰爲我開談詩吾亦好詩道未爲尊幽意
聊相寄名山或可存不堪下土笑難與俗人論流水悠然去湯
湯只自喧五日過程司理藏書樓小飲云三徑誰爲二仲流羨
君小構亦清幽墨花亂綴芙蓉渚帶草遙分薜荔洲風送歸雲
來樹杪日垂返照出牆頭山林自是能無競不向波心鬪彩舟

安北字陌山

北聰穎嗜學善吟詠和鄒孚如元帝閣詩有曉殿嵐光浮日醉
隔溪柳眼應春開句爲孚如所稱獎過訪其居見環堵蕭然益
喟歎不置

程德良

字凝之號雲連萬歷進士官推官有不涉館正類集白蓮洪文集代豆日抄

德良博學嗜古與鄒太僕觀光善以道義相切劘初任重慶推
官有神君之頌謫官河南巡撫器之延主大梁書院旋歸林下
築不波館研精著述以終

九日危邑令招同鄒孚如讌集云四望層城意氣新五年離別
各風塵筵開今雨仍重九座聚賢星盡故人濃綠舊餘南國蔭

疎紅似闕上林春相看未有登高賦但引黃觴不厭貧

國朝馮其世

字際生順治拔貢官知縣

弟其昌

思歸寄弟曉生云用舍無成局安危聽此身大都逢剝運莫作好名人養正還天地安貧謝友親歸歟尊橋好何事久茹辛

其昌字曉生貢生官司理有寤怡亭詩集詩宗陶韋與兄其世友于甚薦入仕後相約以六十歸田其世卒歎曰吾兄逝矣何以官爲卽引疾歸年甫五十也葉寤怡亭日夕吟坐其中

夜泊云片月更初落收帆泊野村數聲空外犬一帶水邊門草露侵衾簟江風冷夢魂浪遊殊可笑贏得鬢毛繁集飲湘閣云野酌原多趣幽偏况此亭草香隨屐遠林色上衣青日晚山如

睡春寒酒易醒風燈高百尺冉冉亂羣星

張奎華

字密庵
貢生

東郭吟云壞垣斷砌阿誰王寶劍金鏃苔花蒼珠墜釵橫泣鳳
凰銚鄧禿尾古龍光陰陰鬼雨洗泥漿農鋤翻破隴雲黃老夫
稚子競笥箱神物幽奇夜煌煌纍纍千冢望石羊冥宮祕殿秦
阿房鬼雄呵禁玉魚牀風蕭雨黯時鳴鏘年厯更代幾興亡入
郢奔隨何倉皇郊壘野次辱宗祊雪怨鞭屍恨過當啟釁貪諛
費與囊

袁

獻

字陟在拔貢有
燕來吟浪雪吟

雨後登城云雨後登城舒望眼亂山飛翠落春衣河流似帶環

偏出樹遠如雲望却稀竹外誰尋高士宅沙邊舊有釣魚磯
愁萬種憑欄處花落無言鳥自飛

柳維欽

字俞若貢
生官訓導

泗洲寺次王陽明先生原韻云經年幽興寄禪扉忽對梅花一
笑微池水綠雲龍穩睡鐘樓送響鶴高飛壁留陳迹悲殘劫僧
有同情慨採薇方丈僧習舟喜誦湯沸釜中魚亂沫
一聯謂創鉅痛深非先生不能道我輩重遊
餘勝概山靈曾憶幾人非

馮永裕

貢生

行行復行行云行行復行行漸入深林裏時聞松子落忽見麋
鹿起樵歌天半來冷冷入吾耳欲往從之游茫茫隔煙水

田制祿

字石泉
武生

制祿能詩工書同里馮瑄曰先子得筆法于田石泉先生先生得之孝感凌統得之程青溪程得之董華亭

臨溪數家屋云臨溪數家屋溪中魚可數上有百尺松下有幾株柳漁舟時往來停橈沽美酒殷勤問漁人有魚肯賣否

許文壯

字斐亭號拙庵
諸生有寄閑草

金陵懷古前半云王氣東南已黯然孝陵原上草芊芊山花寂寞泣春雨野鶴淒涼唳晚煙觀潮首二偶云萬頃銀濤一色開眼驚掣電耳驚雷雲連四塞兼天湧雪捲千山壓地來

李元奮

字伯遠號立夫乾隆舉
人官知縣有賜羹堂集

弟元獻
子華

許秋岩中丞賜襄堂詩序謂含風茹雅風骨迢然空所附麗偏
偏自將張白菴論湖北詩人於賜萼首屈一指似非溢美

姑蘇云闔廬城上暮雲堆半壁河山付劫灰采葛曲終吳運盡
沈紗人到越兵來梧宮秋老飛黃葉茂苑春深長碧苔試向洞
庭高處立太湖西望不勝哀何事臨風弔闔閭平江一帶莽愁
予十年未了吳宮怨七術先成越絕書鶴市人烟真作沼姑蘇
臺榭竟爲墟噬臍悔恨真何及合采黃金鑄子胥琵琶亭云淪
浦西偏土一坵琵琶亭峙最高頭門迎楚塞千峯雨背枕廬山
萬壑秋終古才人悲老大幾家裙伎解離憂莫彈楓葉蘆花調
九派江聲日夜流岳墳用子昂韻云中原王氣黍離離南渡江

山已阽危丹鳳不頒還鄂詔黃龍早卓受降旗朝廷大獄三言
決神武全軍一木支尙有銜冤曲統制宋家故事更誰悲湯陰
謁岳忠武祠云金沙江上鬱松楸曾泛西湖拜冤旒應識忠魂
歸故土可憐遺恨失神州寒亭血染苔莎碧古井香沈環珮秋
地下若逢檀道濟那堪同聽白符鳩彰德府云滔滔漳水抱城
流鄴下遷都亦壯謀千古知人惟子將一生低首是亭侯華林
蕭撼黃花淡銅雀蒼涼碧落秋只有韓陵一片石年年壁立北
山頭半山亭小憇云獨坐半山亭無人但秋色杳靄長林間山
僧埽落葉揚州絕句云越羅吳縠照新晴 華蓋春旗夾岸生

盛世江山眞錦繡天孫織出廣陵城

傍城新開小河東會那溝西南達紅橋夾岸燈

臣台同之屬
皆錦繡裝成

官舫銀燈曲水隈
瑯琊風調冶春才
祇今上已紅

橋路一樹海棠花
亂開水亭花榭夜
初分風度秦簫響
遏雲二十四橋明月裏
雙鬟低唱杜司勳

賜藁詩以七律擅長頗多佳句可采如霸業尙存碑湧月

相傳

字爲魏
武書

仙蹤何處閣留雲

登黃鶴樓

台高遠挾千峯雨野濶平屯萬

竈烟

遙

春回閣道思調馬
雪滿沙場聽射鴻

西瀛

海東生紅日

近太行西望白雲多

游范河

元獻字脩臣號可亭貢生有勉成齋詩集聞鴈次潞川夏觀川
師韻云夜靜天空影逼真一聲嘹唳覺移神稻梁南北知何地
烟雨乾坤寄此身到處來賓誰作主無端逢我更愁人荒村月

出明於畫可向汀洲定幾巡

華字耕崖號雲樵乾隆拔貢官主事有卅六硯齋詩集詩書皆得自庭訓而才力又足以充之與伯兄南洲韋坡一門倡和在京師與許秋岩石泉兩太史萬小莊許滄浪先後聯吟擅名當時無媿名父之子

憶許石泉云人比蓮花不染泥况兼青眼澈玻璃文章此日應推許識度當年早信宓宦海最憐心跡合鄉評終愧姓名齊十年苦憶安州道風雨聯牀啜淡齏王縉才名重五長花輒聯步足徜徉魂歸奎壁文章府夢繞榆枌秔稻鄉然諾如君推季布頭銜似我老馮唐晴空望斷離鴻影第一風華誰擅場

石泉和詩有云

同首天涯人共遠題板橋殘照畫冊云一株殘紅隔水遙長林

晴空懸鴈各成行
斜日晚蕭蕭西風策杖行吟客別有詩情在板橋

馮炳時

字標宇號默齋有松石山房詩草

炳時精制藝淵源史漢書法尤精喜作詩不輕示人

夢中得鶴徑秋風連午夜句晨起續成云到此兼旬雨未濃今
朝霧色喜重重對看綠樹還迷眼遙指層雲欲盪胸鶴徑秋風
連午夜梅窗新月照三冬近來詩思知何許擁被長吟也欠工
過春陵佳句云文水平生原謹厚昆陽一戰見英雄

馮廷鏊

字召和號勻莊乾隆進士官知縣

讀杜少陵詩云文武恬嬉日蓬茅竊歎時每愁天步窘常恐不

周危辛苦趨行在艱難哭路歧不因天寶難深慮有誰知

程應璜

字謂符號柳谷乾隆舉人官知縣

弟應琪

霍州云白日忽西下蒼煙滿碧岑水光浮塔影山翠落城陰地接汾陽勝天連太嶽深風塵長僕僕獨自一登臨

應琪字其玉號樹仙貢生官訓導善書得米襄陽法年逾八十猶能寫蠅頭小楷嗜詩存稿不下千餘首

秋日晚眺七絕云秋風瑟瑟樹萋萋近望分明遠望迷穩步層樓高著眼夕陽紅遍伍山西

楊耀瑚

字辰六貢生

田家春暮云榆柳盎青翠黃鶯繞樹飛桑疇微雨過邨午聽鳴

鷄策杖柴門外童穉相扶攜偶與鄰翁飲陶然竟忘歸

彭維炯

字式南號梧齋諸生

魯城云東魯聖人國儒風世所馴奄奄二百年禮教民愈淳城郭經秦舊干戈厯項新倥偬圍城裏猶聞絃誦聲羽雖失天下得此有餘榮建安七子云魏武尙文辭鄴下英風煽陳思蓄盛藻八斗才獨擅入室能幾人升堂一公幹於治究何有丕也終纂漢草廬長嘯人高卧誰能見鉤黨云矯矯漢末儒風節共推獎一登李郭舟望如隔霄壤豈不志澄清激揚惜太廣顧厨俊及傳胡爲自標榜無端烈禍興舉類入鉤黨望風若獸竄愛身欲何往太邱雖屈節誰開一面網

張汝弼

字直卿
諸生

登滕王閣云西江第一之高樓縹緲層霄最上頭彭蠡波濤迷
大地匡廬雲樹互南州湖山但藉才人筆風物曾迎帝子旒我
有曠懷千古淚若爲容易灑江流

蔡作桂

字諸五號
綠野貢生

弟作杞

作桂少工詩與弟作杞倡詩教于邑之南湖同邑王南亭公壩
郝洪伯師竄隨州儲太璞嘉琦高二洪鈞同以詩名于時

夏夜懷馮默齋云屢向以川賦索居松寮夜坐最憐渠三更笑
語尊前笛十載飄零月下書北地才名爭慧福南窗古紙注蟲
魚何時共買連牀醉不悵鴻文惠起予蔡陽館云我愛孟襄陽

歸思正耿耿城荒不見人夕陽淡秋影

作杞字南有乾隆副榜官教諭詩筆清脆優于乃兄游觀音巖
云清露滌煩襟茲游悔不蚤白雲招我來尋源事幽討初進不
知疲漸高山逾好樹根巖頂穿水聲檻外繞始知百丈泉奔流
割昏曉遂造羣峯巔杖底見飛鳥春靜瀑流喧日斜人影小歸
路一沈吟疎鐘出林杪同王湘雲游滴水巖云疎林曉日含黃
葉微風送攜手過溪橋素心得求仲天寒花細開水落麥初種
雲霞應接煩談笑鬢眉動坐卧石室中往復茶烟共朔鴈忽南
翔羣峯俱北控屈指良會難歸路寒烟重寄我瓊琚詞焚香一
再誦趙璧偶入秦郢鼎忽來宋回首憶前期游蹤渾如夢雨後

望龍尾諸山云微雨過西山斜陽在鳥背龍尾突嶂嶭拔起一
峯大層巒左右迎遙與茲山會仿佛真人興羣英爭羅拜出眾
本無心眾自莫能外積翠變浮嵐微風響松籟倘謝區中緣明
當飛征蓋宿多寶寺懷熊東山先生云郭外寒烟酒滿卮天涯
夢冷繫遙思懷人昨夜秋將老病骨多年雨未宜古寺僧歸紅
葉裏橫塘水落白蘋時劇憐何遜揚州住官閣梅花寄幾枝觀
音巖訪李本寧先生故居云荒村買酒日初曛萬里秋風鴈幾
羣人傍高臺懷往事馬循落葉點寒雲諸王題詠圖中在先生有甫
柏台畫勝朝宗七子才名輦下聞大泌山房何處是居人猶自
室題詠頗多說遺文寄家兄綠野云東風吹客夢一夜過南湖華髮高堂老

他鄉小弟孤風塵銷歲月兒女半憂虞爲問經春別可能相憶
無晚泊云春光應許到天涯獨向河干訪釣槎頗有閒情供嘯
傲更從何地寄幽遐孤村夜雨棠梨樹驛路東風燕子花薄醉
渾忘身是客亂峯青處日初斜遊春雜詠云夾岸蒼茫落照餘
編籬插竹釣人居白蘋水長春潮急一樹垂楊喚賣魚柳影長
條復短條雙鬟低唱雨瀟瀟年來不聽吳娘曲腸斷春風度畫
橋訪孫偕鹿云開門一笑月初斜榆柳溪橋共幾家小坐題詩
人未散滿庭涼露滴殘花

許兆桂

字香崖貢生有
夢雲樓詩集

子熙

兆桂夙承家學天資曠逸與弟秋岩石泉墳簾迭和極一時之

盛厯游薊北楚南粵西晚年僑寓金陵吟詠自適頗得山川靈秀之氣

香崖僑寓白門西樓爲李供奉觴月之所江左勝流造訪無虛日鳳台笛步之間一時稱韻事焉

羣雅集

香崖孝廉爲秋崖中丞兄詩脫塵俗重陽風雨秦淮卽事云桃葉桃根古渡頭漫天風雨盪輕舟淪漣十里青溪水低亞重陽白下樓人在江南眞入畫菊盈花市可憐秋轉思昨歲登臨好衡嶽峰峰眼底收水仙花云柔姿相對影娟娟姑射肌膚竟宛然淨洗塵容全在水消除俗累始稱仙移情黍谷回春日解語蓬池厯劫年花裏眞如曾識得將疑小謫李青蓮

卧園詩話

次黃梅縣云知與家山近鄉音漸可通水仍前度碧花比昔年
紅小艇春江外故人雲夢中到家堪計日恰趁棟花風深夜思
云苔陰月色微露浸花枝冷香闥怯羅衣小立憐秋影秋夜思
云瓊樓月挂弓蓮漏催銀箭愁添玉笛聲淚落白紵扇題朱生
介齋琴鶴煙波圖云至性如止水至潔雲中鶴至和囊中琴至
幽乃邱壑伊人水一方蘭舟煙漠漠琴寂未成響巖峭空翠落
鶴唳時一聲微波靜不作望之渺無垠我亦生淡泊秋水寫秋
心天宇正清廓泊湘陰縣云巴陵南畔暮山青亭向滄浪間獨
醒公子澧蘭悲楚些使君明月弔湘靈丹霞赤岸連城郭細雨
斜風出洞庭一繫扁舟春浦綠香蘅芳杜遍前汀荅李滄雲還

吳云扁舟三度訪吳趨
鶴市隨鳴繼唱于去日
苦多成桂辣浮生未病
學梅癩洲尋綠樹藏鸚
鵡廟過黃陵聽鷓鴣四
十年來飄瞥甚聲名蚤
判馬牛呼夜泊聞笛云
繫艇垂楊綠未成微風
拂水水紋生阿誰玉笛
傳清怨吹向春江夜月
明

熙字繼顯號烜之甫冠舉茂才遽卒香岩長子煒字滄浪優貢亦不祿在京師曰滄浪才名藉甚與李雲樵程綬人唱和稿均散失曾于院試場中見其春水舡如天上坐試帖前兩行云三月桃花水春江樹杪舡波平宜小坐帆遠欲連天恰受人三兩虛涵象萬千亦可想見其風韻也

夏日卽事云鴛鴦池畔蕩輕艫荷氣迎人暑氣降最小一枝開

並帶飛來蛺蝶也成雙風透疎簾枕簟涼北窗高卧似羲皇幽
蘭預置繩牀側得伴名花夢亦香一欄風細透香濃惹我情懷
意萬重急起尋花杳何處隔牆飛過兩三蜂執扇新裁月一弓
簪花佳麗畫當中輕搖欲向封姨笑解慍還須少女風

許兆椿

字茂堂一字秋岩乾隆進士官清督有秋水閣詩集

弟兆棠

兆椿官御史以忤時相鏞級嗣由部郎外任府道薦擢漕督巡
撫黔粵浙三省所在有聲著述宏通皆傳于世

秋崖與弟石泉兆棠先後入詞館咸以才名而石泉早卒秋崖
轉御史降刑部郎由知府而至監司躋蹀仕途者幾三十年嘗
與予案事高郵及長沙應山衛輝諸處同羈旅者年餘于思飄

然議論明達工詩善書尤精於吏牘下筆千言無不迎刃而解
蓋非獨以吟咏見長也與其鄉余元亭同知彭秋潭明府文名
鼎峙予過雲夢造其廬老屋數椽蓬蒿掩戶竊以爲元次山讓
溪之比云

蒲楊山房詩話

秋岩先生由粵西中丞改督淮漕道經善化承值者于官銜牌
潛字悞寫糟字先生行後寄詩云平生不作醉鄉侯况復星軺
遽置郵豈有尙書兼麴部湯勞明府續糟邱讀書字要分魚豕
過客風原是馬牛問說頭銜已遷轉武岡可是五綱州時善化
令某已擢牧武岡故調之

歸國詩話

趙吳明府石門山圖冊子云荆山揚鈔爭摩天欲斷不斷浮蒼

烟千盤萬疊石門出峭巖一坵流奔泉橫橋直架洞底壑潏潏
鳴玉聲濺濺溪風吹翠濕欲滴老樹挂壁根空懸梯山鑿石盤
鳥道古藤百尺愁攀援茅檐一二負嶂立夜半駕鶴來飛仙如
何造物不自惜更於絕壁窮雕鐫懸青萬仞門呀然一步一使
心迴旋如鴉蝠撲撲人面似乳石髓滑不堅天風掃斷塵埃蹟
杳杳時有閒雲眠使君青眼了不負亂山堆裏居三年拂衣一
旦擲官去綠陰處處啼春鵲祇留山色在畫圖未妨羞澀囊無
錢驅車京洛塵滾滾興劇一放黃州船雪堂月好快把酒時客羅太
守旭江天萬里清而妍此時披圖發長嘯石門之山落眼前要
莊所留面目對山色豈可骯髒供人憐我歌未已君忽笑此語未足

聞時賢置圖一鼓瀟湘絃眾山響笑空中傳漢江舟中和召村
云五湖泛宅計猶賒擊楫今登漢上槎世味漸諳知老大鄉園
欲近問桑麻隔村樹杪馳帆影逼水堤根動浪花無限心情同
著眼可憐倚棹聽慈鴉過萬小莊與同人小集云慢卷高軒夏
日長圍棋作畫任徜徉風驅殘暑剛新霽人戀窮交况異鄉事
到中年多感慨語因小醉恕荒唐劇憐子敬琴聲寂冷落當前
鬪酒場小莊與石泉弟交至篤
石泉下世今年矣塞上雲多易作秋垂楊何處起
邊愁羣山碧重烟初合魄月明生火已流小立森寒添半臂大
言論事愧長頭無端搔首驚清聽不斷飛鴻叫遠洲羽書三捷
奏甘泉萬里行師總萬全雨箚旗飛山奪險雪林礪劈石摧堅

風雷直破蠻人胆日月原臨化外天髀肉未能空策馬據鞍何

處著先鞭

時方廓爾喀用兵

上元日山海關卽事云春月初圓第一宵

別離草草路迢迢還家夢是今朝好明日關城隔更遙

小岩說詩歌若

春月初圓一絕遠行人讀之自覺難堪

湖海詩傳

兆棠字石泉乾隆進士官編脩早卒襄陽雨泊云短劍馳驅久

孤蓬尙客星風吹一江黑雨失數峯青複道臨虛置驚濤入夜

聽相看愁不語榜火正熒熒江暝云澤洞全無岸滔滔一氣奔

星芒沈水溼天影黯江昏帆楫爭途急蛟龍據窟尊夜闌看北

斗風定欲招魂黃州試院九月偶感云秋原本落古臨臯鎖院

沈沈肅節旄三地離懷一尊酒半生佳會幾登高蘆花夜月長

蕭瑟蘭漿清歌更鬱陶
滾滾江聲聽不得英雄消盡是波濤
舟中呈家兄秋嚴云楚塞秋高夜有霜
授衣時節尙殊方弟兄不隔東西屋
童僕居然上下牀曾把哀歌臨易水
難將愁思付斜陽
推蓬共倚空蕭瑟目斷天南鴈幾行
碣州云水田漠漠稻梁秋夾岸雙渠
向北流平屋寒煙收不起綠楊陰裏
過碣州

萬

昌字曉樓貢生

詠懷云裊裊空中雲蒼蒼巖上柏
悠悠溪中水磊磊水中石雲或多變
幻柏終不改色水石長清幽卓哉君
子德

萬法周

字象濂一字小莊乾隆副貢官教諭

小莊詩力深厚足與賜謨頡頏

薄暮云落日半銜山淡煙遠在樹干林黃葉深一徑入樵路中
有采蓮塘歸橈從此渡停舟不見人鳥鳴山色暮泊洞庭云七
十二峯青楊帆過洞庭懷沙悲屈子鼓瑟弔湘靈天地容吾老
江湖滯客星不堪離亂日鼓角夜中聽晚眺云鴉背夕陽盡林
塘落晚霞涼風生水岸秋色上蒹葭烟外歌初起林端月欲斜
獨游情未竭歸路繞桑麻太白祠云把酒教愁去登高問月來
如何今夕影不照昔人杯玉笛悲遷客青雲負壯游杜陵有同
調漢落底須哀三河勝云羣山皆赴海而我亦趨東地入三河
壯天圍九塞雄人煙寒聚浦村樹遠浮空回首孤城驛斜陽一
抹紅金山云曉煙淮楚合百里劃金焦雲氣盤孤塔江聲送六

朝琳宮風雨暗佛國鬼神朝鐵甕留形勝千秋霸業銷晚次鄂
州用盧綸韻云迢遞疏鐘出鄂城木蘭舟泛晚潮平夕陽鴈影
雲邊下客路春愁笛裏生黃鶴樓臺凌水動漢陽燈火隔江明
停橈待問當年事鸚鵡洲前芳草橫他如南國秋何早西風葉
未彫疎鐘林外寺黃葉雨中村陣雲連蜀暗帆影入湘秋野樹
浮殘照邊笳入陣雲三湘明月浮秋水一夜鄉思滿洞庭鄂城
晚泊云莫上高樓望烟水英雄淘盡是江聲塞上曉發云鴈帶
寒雲橫碣石鷄鳴曉色度關門憶弟云月出斷山人獨往霜明
秋水鴈呼羣沙市云蜀道帆檣天半落荆門鼓角地中鳴祭風
台云卧龍一公台仍古夜鵲羣飛月上初浮湘云湘水有情終

北向塞鴻何事更南飛登岳陽樓云萬古湘靈悲帝子夕陽秋水落霜鍾贈友云五湖放棹容高枕北海論交有幾人登城樓云秋深飛燕仍爲客風定流螢自上樓山海關云雞鳴海色重關曙霜落邊聲畫角雄永平云人入清風孤竹國關臨漢月五花城皆工力悉敵警策必傳之句

汪

楫

字紫坡
諸生

楫有孝行工詩以白雲招我來幽寺明月隨人度小橋句傳于時

李

孫

字南洲號
友石貢生

弟奉

過赤墮云吳樞魏操兩消磨冰壁鏖兵事若何一自黃州留二

賦至今風月屬東坡連江署中卽席示韋坡弟云開尊詢政治
宜猛更宜寬不脫詩書氣方稱父母官車螯堪佐酒龍眼亦供
盤席上有
此二味莫道清貧甚儒生得此難

弟莽字韋坡乾隆舉人官知縣浮雲樓懷古云燕寢香清露未
殘當年隱約見朱闌一樓烟雨存圖畫七字風流憶長官嵐翠
遠迎衣袖溼秋空時送鴈聲寒莓苔滿地無人覺指點浮雲挂
笏看過洞庭云萬里長江入渺冥半年蹤跡綠楊汀無端更作
瀟湘客暮雨寒風過洞庭

李

英

字彩
六

金泉寺云頽閣倚落日一一土花斑雲際鳴鐘出門前流水環

文章何者是天地幾人閒西望青蓮宅神飛白兆山又收唱遠
峯落書聲何處生嶺雲穿牖過山翠與堂平

石璞玉

字孫其

璞玉勤學嗜古究心秦漢篆法鐵筆之工一時無兩詩古文詞
皆有所長夜興云秋氣如太古渟從淡處生簾疎天欲色月上
烏無聲一榻懸高士百年心短檠夜長愁引夢清興坐書城暮
春感懷云探奇肯讓愛山人太息昂藏未老身芳草遠天愁欲
雨桃花三月夢如塵交遊金石襟懷古麴蘖詩書氣味醇門外
竹林烟水隔驚濤誤瀉一江春

汪若海

字一谷諸生
有清華集

清言有異
秋蘭曲云秋蘭發幽香香風來何處尋香見秋蘭幽人不能去
送周海城還漢川云鐵筆沈酣古篆多蒲騷幾度共高歌卽今
話別江楓冷愁滿孤舟田爾河

萬化成

字秋田乾隆
副貢官知縣

子震

化成詩不多作而喜讀昌黎集有雲作奇峯山在天句頗掘奇

子震

初名鎮字
武山諸生

幼擅詩與曾香溪角勝詞玷爲一時瑜亮漢陽

祇陀林讌集云眾鳥寂不喧綠蓋圓午暈飯了覆鉢孟虛堂人

習靜微風從東來時送一聲磬蔽蔽落松花吹滿碧苔徑開襟

談羲皇人語水聲應摩訶碑上文吟賞壁間咏念我故園交此

意可能並坦臥看長天白雲不可贈黑雲欲壓山眾山低一尺

長風捲礮車雷掣雨聲急百萬刀鎗鳴天地迷轉側各各投匕
箸天威敢無懾須臾氣清爽夕陽紅翻壁微聞腥水腥飛入溼
雲溼我時手一尊涼意冷山嶺清矣竹娟娟風過翠猶滴臥柏
云咄咄巖子陵不能共爲理抱此歲寒心蒙頭臥而已繁華動
春風著意吹不起風雨渡江云獵獵紅旗捲滔滔白浪堆連蓬
推雨去一柵渡江來鐵笛仙人館銅鉦大將台斬蛟懷利劍誰
是濟川才負笈云負笈復何如春風二月初遠隨雲夢雁來食
武昌魚詩帶烟霞氣人耽水竹居寂寥揚子宅消受一床書佳
句如春光匝地花侵縣爽氣澄空劍倚樓書記生涯原作遠烟
霞供養最宜詩

江源長

字泉一
貢生

登文昌樓云客有千霄氣來登河上樓窗開雲夢樹門泊漢陽
舟小市炊煙迴平沙落照幽十年會到此往事日悠悠

楊世英

字子千號小澤嘉
慶進士官御史

郊遊云一徑落花春欲暮半池香草水初生夜坐云蟲聲漸作
知秋近花氣微馨池露多官到閒時真是福人逢醉後便當歌
秋懷云久客無聊同鳥倦良宵得意只蟲鳴十分冷淡須回味
一半糊塗藉養生句皆隽永可誦

王

麟字春塢
諸生

詠史云馬融設絳帳驕貴以自侈前既投生徒後復列女妓講

授此何事治容安可邇大都驕倨人往往皆謂子殺人以殯人
其所優爲耳乃復著忠經笑之冷人齒

戴亨遠

字致庵道光進士官教授

廣文詩臻神品記其題桃源圖云但願桃花皆作紙憑他鈔出
未焚書甚新奇

戴利和

字月三貢生

遊浮鱗亭云怪得沖泥行太急同人蚤傍小亭立淨綠依然生
客衣湖光不待捲簾入記取五年初夏天浮鱗之間此雅集

郝師豆

字洪伯諸生有志古堂集

子謙

師賣學遂才長博通載籍少有經世之志而淪落不偶晚僑隨

之大洪山一意撰著詩古文詞皆卓然成家同族又有琢庵進士光以詩名惜僅見明月一池心是水香風時逗白蓮花一聯詩各體皆精五古尤近漢魏雜詩云大道本不絀至理亦不盈中正繩萬態自然得其情梁園既寂寞宏閣空經營蓬蒿有深徑釣臺存孤清矯矯魯連子排難扶世傾其中有至意物外得所成神龍貴無欲世網安足撓春草去何長元蟬鳴古樹偶遊青松間漸有白雲駐幽壑古無人灑落淡百慮我歌行且謠遷延自來去欲攀石磴過時爲看花誤坐見麋鹿羣一笑春風暮林莽生春寒山氣欲明霽浮雲西南飛高鳥孤何銳晴日揚遠波風影落天際微軀何所營百思靡一慧抱此空谷心時時親

蘭蕙日月胡見欺青陽倏飄逝丈夫志未伸一身猶足贇世無
管鮑交安得免沈滯尙恥終生纓何論范公計逝將挽强弓終
朝射麋雉客中雜詩云天霜沾衣裳濃雲在襟袖暗樹立如人
微茫森左右石壁何嵯峨升月漸娟秀回首煙雨朝風景迅奔
走草木闕枯榮溪水日新舊心爲百鍊鋼葛藟徒糾繆焚膏待
山月開窗延遠暉虛白如我心照曜青羅幃關河夜修阻黃鵠
何高飛歲晚霜氣深靈芝蔚芳菲南山有琪樹東海生珠璣采
之遺遠人天風吹我衣有感云楚雲千里暮春色上高原樵客
正歸路空山且閉門時違知己貴身約素心尊猶有酬恩願蕭
然一劍存晚望云地轉山猶翠溪寒花漫開晚天新霽雪落日

正登台去鳥兼雲盡歸人趁月來高原臨眺處作客此徘徊雪
夜云虛閣易成響蕭蕭風雪聲細侵芳徑濕寒落畫樓輕帶月
催征雁連雲上古城此時憶江客燈影一窗青止木齋宿云夕
陽消岩壑秋風拂面吹相看俱老大惟我更欽寄鐘鼎勛非易
鶯花事可爲乾坤眞浩蕩止宿願勿辭山居偶感云一逕寒烟
日易斜芳叢暮色隱飛鴉園無剩地全栽竹事有關心只問花
市近卻因深柳隔峯高不被短牆遮無端感念魚鴻杳獨立蒼
茫望釣槎登黃鶴樓云我從二百承平歲得上江城第一樓鶴
唳喚醒塵海夢笛聲吹落漢陽秋青山遠岸重重立白浪晴空
滾滾流往古來今情不淺夢花楓葉滿汀洲贈王香谷云落筆

驚風未可停桂花叢裏坐傳經高吟且自稱詩隱小醉猶能醉
酒星窗外濃陰連水綠卷中奇字對山青楓林歸路蕭蕭馬寒
厖隨雲過遠汀寄贈伯衡丈云落日宜城酒尙醺歸來萬事浩
紛紛愁生漢上吟紅葉夢繞江南戀白雲殘月和霜曾送客夜
燈共雨更論文春來應有扁舟興膝閣秋風對夕曛對月云花
滿江城酒正闌高樓橫笛雁飛寒武昌無限鄉關月一夜秋風
醉裏看山中阻雨同友人話舊云二十年前莫雨昏桃花窗外
漲溪痕祇今一榻青山話老樹寒雲共揜門舟夜云盡日扁舟
送遠征曉風斜颺柁樓輕板橋村樹啼鳥夜自掩孤篷聽雨聲
先生以雄奇瑰瑋之才充之以淹雅博洽之學凡兵農禮樂河

集諸大政陰陽星厯占射諸家之同異得失皆考究其所以然
而求之于至當蓋深有意于經世之務者也乃竟以韋布老其
發爲詩文無不有以露其本然之蘊而非斤斤以著作爲工者
然以法求之則又無一不合甚矣學之貴有本也

傅馬瞻
撰詩序

亂峯殘照落孤寺暮雲開樹入新寒重衣沾遠翠輕一庭酣暮
雨三徑揜深春春花游客換暮雨閉門深樹裏烟雲全作雨石
邊茆屋半依山夢覺吳山生夜月醉吟楚塞上高樓長歌白雪
花前曲短髮青山醉後心青山淡欲迎歸客碧澗清能洗素心
無事相關纔免累有書可讀未全貧幾多世事催殘夢無限秋
懷對夕陽客多清夢生春草路入紅樓點杏花佳句美不勝收

畧摘一二以概其餘

子謙字益庵有述先堂學詩草詩古文詞卓有父風學齊梁絕句二首云山與雲爲友雲有來去時願作南山石終古無改移
郎作天上月儂作月中樹圓缺同光輝無復分離處雨後對月
云晚烟初散綠楊枝柱樹團團對短籬花氣好宜風定後月明
最愛雨晴時遙空雁影催寒笛四壁蛩聲勸酒卮醉裏渾忘身
老大清光還許照鬚眉君子行云君子愛清名不爲混濁行口
不道邪妄動必履潔清食泉不敢飲穢里不駐旌當使圯隴上
邪蒿不敢生放歌行云天不可與道地不可與謀烈士何慨慷
行歎而坐愁出門見平野平野何悠悠高山鬱然起滄江日夜

流黃鵠一引頸超然凌九州徘徊不得志乃與燕雀儔客從南
方來駿馬狐白裘入門無所道舉手彈箏篴人生樂復樂何爲
懷百憂古來達觀者惠施與莊周郡城南樓云樹裏河流野漲
寬春陰遠翠入城寒南樓日暮無人賞風雨蕭蕭百尺欄襄陽
竹枝云襄陽風景使人迷楊柳前溪繞後溪沿巷小兒齊拍手
聲聲猶唱白銅鞮夜行溪上云我行中野溪水盈盈巨石怒列
幽篠叢生涵空照影濯藻游鱗激擣成韻如鼓瑟琴山風寥寥
吹月無聲微香偶至不辨花名雲鴻唳天與我同情遊心於漠
何慮何營四言一首雅近古琴銘故并錄之

曾繼蘭

字漢臺號杏溪官訓導有玉佩齋詩集

東瑤圖云長生不可學願學長不死

東坡句

古人爭死生惟在一

片紙所謂不朽三言與德功媿所謂屈不伸請視無名指坦率
固其常黽勉曷能已倘覓不死藥還向紙堆裏登黃鶴樓云繞
郭岷霽滾滾來高樓雄峙浪花堆一簾風月留仙鏡三楚江山
屬霸才詩筆曾教名士閣酒家不是舊人開天邊雲鶴茫無際
玉笛飄飄悵落梅答榆村營圍遣懷諸作云十載交遊託素心
箇中妙緒費研尋才情入律方稱細畫意參詩更覺深鐵聚六
州難鑄錯石經一點卽成金楚人天性陽春曲下里慚予祇浪
吟論文從不落言詮結構亭臺亦自然境地清涼多水竹天機
活潑見魚鳶情餘公子營盤谷分合詩人住輞川一覽平湖渺

無際吟聲遠送翠微烟詠古云買得侯嬴死人前酒一尊至今
車馬客掩淚過夷門鴻溝不能分烏江不可渡亭長爾何人一
誤豈再誤能忍勝下辱羞與噲等伍前後若兩人成敗所由取
未見勤王旅襄陽自築臺野鷹方逐雀呼恐不飛來斗間瞻紫
氣博物到瑯嬛不及延津劍成龍便入淵金谷繁華夢歡歌空
復情石崇財散盡博得綠珠名又哀王烈婦起筆哭奇云悲莫
悲于兒啼飢哀莫哀于生賣妻妻在兒無食有母或哺之妻出
兒無母不死亦幾希惜入後少遜

戴利均

字秉堂
諸生

弟利玉

利均詩筆秀健與弟利玉并推作手溪橋散步云晚飯餘閒了

畫課柳陰隈畔時一過小橋無伴獨徘徊芒屨踏處綠苔破有時倚杖發高歌驚起黃鸝三五箇送別余履之旋里云北風吹雁下南天客路重逢話舊緣烏帽青衫仍我輩落花飛絮又經年殘星未許收棋局

家君司鐸荆州欲歸未果

惡歲偏能到硯田無限情懷

知己共者番相見兩相憐秋思云明月照庭階涼風吹簾箔獨立已多時蟲聲滿籬落望春臺云探春直上望春臺圖畫天然四面開好是綠楊流水外賣花人影過橋來

弟利玉字躋堂坐月云柴門納晚涼萬籟耳根靜微白東方升明月出高嶺雲時光瑩瑩牆花弄疎影薄露溼衣裙人坐竹陰冷晚步云間向沙隄行吟詩倚喬木落日滿前谿小橋人影獨

王公塤

字虎友號南亭乾隆舉人有緣蔭賸稿

踏青詞云踏踏歌來緩緩歸一天風細紙鳶飛幾人家傍長隄
住短竹疎籬白板扉紅亭蠟屐踏青來極目卽城野色開一片
晴雲高不落春風吹上楚王臺

左

源

字源溪諸生

夜泊獨樹灣云夜靜烟深隱約間繫舟何處聽潺潺一聲孤鶴
三更月淺水蘆花獨樹灣

程懷琬

字玉農嘉慶拔貢官按察有不波山房詩

子齊訥

廉訪謝病歸卜居鄂城得卽南屏侍郎別墅葺而居之有九桂
軒不波書舫諸勝亭林泉清平之福幾二十年潘四梅論詩曰

簪纓早謝愛園林別具幽閑一片心
領略清機天籟發高山流水伯牙琴
蓋紀其實而襟懷可見矣

玉農觀簪上洋予寄詩有梅花一路到江南之句觀察和云知君風趣得天優騎省才華間苑流小試何妨誇製錦依然花縣近陳畱赭山晴霽淨烟嵐爲和新詩興正醅料得開緘君一笑杏花春雨憶江南殊有晚唐風韻

臥園詩話

余初謁公卽畱飲不波書舫命和題夏怡士觀簪從戎圖皆稱公旨喜加拂拭嗣有雅集必先招致因得備聞公之緒論公樂引掖後進一知半解逢人稱說不置公精聲韻之學善養生之術脩髯鶴立望如神仙詩清和淡宕不事雕績而雅韻天成工

行草近鍾太傅舊藏公手書詩稿數十紙皆燹于兵思之曷
勝惋惜山行有懷雨農兼柬春卿云高山生白雲山爲雲氣擁
天風一吹盪雲挾山欲動下馬上山行奇觀豁眼孔無意入雲
中溼煙如海湧古樹鬱蒼翠危石露龍嵒時聞鳴鶴聲疑躡仙
人踵仰窺天近遠一氣接瀕洞出雲復入雲馬首雙耳聳我欲
袖雲歸妙手莫能捧靈境空周旋勞塵歎倏羨子山中人著
書得幾種盡日看雲飛心清絕俗冗江南春云江南草長鶯亂
飛邊城楊柳絲依依妾思君君不見春風故故吹妾面安得萬
里走紅塵與君細說江南春唐官曲云楊妃貶髮可翦梅妃貶
珠可返承恩亦自有深淺黃金寵艷洗兒錢紅綃冷溼芙蓉臉

風流三郎忒情多金釵鈿盒誓星河憐他閣道淋鈴曲爭及珍
珠一斛歌田家秋晚云紅日遙岑下秋煙淡一痕羊牛尋古道
鵝鴨認柴門笑語茅簷聚宵羹豆火溫此中有真樂吾欲買山
村雨霽曉行云一雨慰羣望曉行生薄寒風光浮麥際春氣溢
林端沙澗輪聲滑塵清眼界寬迴思新鄭尹茹素禱靈壇木犀
灣守風云地遠無叢桂畱人詠小山風生秋水曲舟泊木犀灣
波浪湖光闊帆檣客話閒連宵望竿影紅燭冷雲間楊花云解
識漫空汗漫遊幾曾開落戀枝頭雨中屐笠尋無迹夕照樓臺
舞未休萬種風懷縈別緒一簾晴雪散春愁閒來檢點殘詩料
笑問兒童捉得不余忠宣公墓云阿那吹殘元遞瀨天完逼近

羽書催雄藩難恃孤山險儒吏誰經百戰來午夜江聲悲畫角
六年軍令凜風雷下邳按甲淮安陷未造空生杜石材夏觀察
怡士從戎圖云收復西陲舊版章天兵曾記埽欃槍文臣能壯
三軍膽元老先籌萬里糧劍氣寒侵霜月白馬蹄高踏塞雲黃
畫圖載得君恩重壓帽翎飄翡翠光游俠曲云醉解千金貂
飛控五花馬大雪滿天山射虎天山下仙棗亭云棗花香放是
何年棗大如瓜事偶然消受當時惟小吏不乘黃鶴也登仙紀
夢云望海樓高月正圓潮痕隱約水生煙山僧自課楞嚴卷清
磬一聲人未眠

齊訥字敏仲號近甫詩有父風游太白樓云訪古然犀渚斜陽

繫客舟詩仙留勝跡我輩復登樓明月依然在斯人何處游來
朝挂帆去惆悵大江頭

程齊誥

字鶴階號殺人拔貢
有夢雲居士詩草

七夕書懷云今夕是何夕秋涼第七宵人間蛛闌巧天上鵲填
橋明月詩千里高情酒一瓢空懷蒼洱路坐對暮雲遙柳陰垂
釣圖云洞庭山下鰕魚肥震澤湖邊柳絮飛七十二峯青不斷
收綸好趁月明歸

馮

瑄

字景薛號鶴渠有
鎮石齋詩文集

瑄詩古文詞意趣高遠不求聞達以著書自娛讀書云老去無
一能獨能畏義理寡過而未能乃爲聖心喜此心敬肆分卽已

判生死古人貴聞道老夫何能爾獨有一寸心兢兢念終始甘
爲人所愚勿爲人所恥庶幾幽獨中可以對知己醉歌云生不
願封萬戶侯亦不願擁百萬之貔貅不願稽拜隨臯禹不願偕
隱學巢田不願耕田有莘野不願垂釣渭水頭不願扁舟五湖
去不願絕粒長從赤松游不願成都種桑樹不願澤中披羊裘
但願太平千萬歲日月光華春復秋田中有黍甕有酒醉臥茆
檐百無憂蠹蛀木云蠹蛀木勿蛀根根斷樹枯將爲薪春夜偶
成云荒城積雨歇夜氣冷高空老屋生寒月微雲動晚風鳥棲
垂柳外人醉落花中夢覺衣裳薄天邊唳遠鴻弔禰正平云正
土方危行姦雄尙索瘢如何持介節偏欲觸凶殘鸚鵡賦纔就

漁陽慘未聞語言深賈禍勿獨罪曹瞞漢室凌夷甚先生一罵
尊其如讎直道豈肯恕狂言芳草埋餘恨青山隱舊魂才人終
此遇吾欲叫天闔秋夜憶德固德騏兩兒云入夜西風緊秋聲
萬樹同明朝齋閣外黃葉下梧桐吳楚遙千里音書久未通汝
曹長旅食何以慰衰翁蘄州云傑閣憑虛控上游長年指點說
蘄州雲消楚塞千峯出風冷吳江兩岸秋人賣白魚開細網客
收碧艾掉輕舟無端霜角寒烟外吹起鄉心一夜愁讀洪伯遺
稿云無復人間聚首期空餘幾卷寂寥詩傷心屢下楊朱淚感
舊常懷向秀悲突兀洪山封俊骨蒼茫雲樹引歸思高情勝概
成陳迹珍重誰題有道碑巴河云江上斜陽照白波收帆古岸

泊巴河地鄰赤壁風煙壯人近黃州騷雅多茅店新醅開碧甕
筠簟脆竊載輕制誰家紅袖高樓上閒倚雕闌自按歌黃州云
收卻蒲帆坐晚風船頭高唱大江東沙邊古鐵苔花紫壁底寒
燐戰血紅城郭岷濤烟霧裏人家西塞翠微中孫曹霸業今何
許笑指沈波月影空皆山亭云山入方寸中貯無數邱壑小酌
皆山亭山色杯中落絕句云谷口松風吹萬壑猿清嘯空翠溼
人衣深林淡斜照春暮晨起云薜荔牆頭逗曙霞松枝寫影上
窗紗披衣自起開三徑靜掃閒雲待落花

左長鎮

字定宇貢生有陵雲軒詩稿

文幼卽植品勵學性敏穎詩古文詞下筆立就年屆期願猶健

飯課諸孫讀令子幼宇太史得傳家學半舫云半安茶竈半詩
筒半老人棲半舫中夜月尊開蘇玉局春江書載米南宮芳蹇
運渚烟迷棹夢冷蘆汀雨打篷移泊風波不到處江湖閒煞信
天翁

左

珙

字瑞國道光進士官翰林有鶴棲室詩稿

歐陽文忠公墓

在新鄭城外

云吏部文章司馬筆古今絕調竟誰傳

直從漢史唐賢後遙溯熙甯慶厯前名世必生五百歲斯文未

墜一千年遺封馬鬣鬼我在展拜猶疑潁水邊

公言吾卒當葬于潁陳留

弔蔡中郎云寂寂楊雄宅千秋莽大夫中郎才絕代亦自誤徵

書聊城云燕王既已去齊人空復來聊城今夜月還照魯連臺

題劍南詩集云垂死猶聞發浩歌臨安王氣竟銷磨南來惟有
宗雷守風雨同聲喚渡河

安

照字曉
珊

照屢躡場屋寄懷詩酒以筆墨遨遊士大夫間往返黔西得江
山之致有黔南雜詠四十六首寫苗蠻風俗宛如目覩另爲一
卷可以行世南將軍廟云秦廷痛哭陣雲愁矢著浮圖志未酬
莫道睢陽人肉盡將軍一指已千秋雜詩云一日不讀書此身
無一事日日便讀書所得無一字愛博情不專志雜神轉悴數
行閱未竟心中鴻鵠至採玉適寶山求馬入唐肆妙手仍空空
毋乃與此類秀木聳千尋風必摧其顛匹夫懷白璧眾必索其

藏奇行招物忌不利得天全所以柱下訓不爲天下先淵明居
栗里欲留三徑資及其令彭澤反棄五斗歸丈夫貴適意豈有
成見存刻舟而求劍所得恐非真相如能文章官由入貲得釋
之才貲郎折獄多平直有用與無用但視所建白無謂秦無人
概加紅勒帛唐人重科目乃有奇章公贊皇隆相業不在五甲
中兩人各立黨水火迭相攻可歎蜉蝣輩靡然如從風畢竟千
秋後公論出唐史牛黨多小人李黨多君子三代置井田秦人
阡陌施二千餘年來遵行無改移元稹均田圖英主空興悲欲
行古人法惜非古人時新井與安石徒爲後世嗤加髀秦太后
抱背齊景公此復何等語置之間冊中盡信不如無孟子眞英

雄莫學村學究泥古而鮮通買花云和靖手種梅淵明身栽菊
濂溪性愛蓮與可胸成竹彼豈玩物人託興及花木惟其寄託
高所以不近俗今無古人懷詎有古人目春風萬物生何者爲
吾欲觀音寺云石欄百尺枕江湄猶是頭陀古寺基城上籃輿
波上棹更無人間簡棲碑

馮德煌

字星垣
諸生

病起云病起出西郭欣欣向荒甸落葉下寒空山容倏一變天
遠水欲浮烟深村未見孤帆何處舟林外時隱現

尹悟棠

字聘三

春游云往聽黃鸝村外村桃紅李白滿郊原歸來踏遍芳塍路

人與花香共到門

釋元祚

字木文西洞庭山人住持有在舟詩草

元祚事無可考此從別裁集錄出者有名恐落人間句或亦勝
國遺老獨樹堂散懷云得失吾何有榮枯事盡剛神常遊物外
名恐落人間流水一聲磬夕陽數點山閒身倚枯樹仁看鳥飛
還樓竹新添杖扶來步步安渾如得老友從此共盤桓天地孤
身在冰霜白髮寒一編寫情性只可自家看寄高澹遊云賣盡
青山說買山高年正好學偷閒洞庭儘有梅花屋何不攜家住

此間

原注澹游工六法故有起句

閩秀李淑貞

儒士彭維燭妻有柏窗集

淑貞幼嫻詩禮工吟詠與兄元奮輩倡和稱一門風雅早發函
谷關云百二雄關百雉城五更落月晃行旌雲迷紫塞天無色
風度黃河鴈有聲老子仙蹤何處是田文舊事不勝情太平魚
鑰先時啟愧爾金雞作意鳴素練白襦作未亡孤燈暗淚不成
行緩隨泉路緣雙女強活餘生爲北堂自古嫦娥憐竊藥從今
庭院罷焚香三生石上盟猶在寄語精靈莫渺茫春日吟云徙
倚欄干春晝長東風吹暖燕泥香不愁日暮羣芳歇銀燭高烧
詠海棠哭姊云江上峯青曲未終悠悠泉路渺無蹤少年姊妹
猶存我血淚都成杜宇紅夢裏江南水一隈雙親容我去還來
思親更憶親思汝應築招魂望女臺

湖北訛徵傳略卷二十三目錄

應城

宋張道清

明華清

陳士元子階

國翰

毛三代

黃在瓚

程大中

孫姓

陳式勛

呂庭梧子其錦

褚于杜

李鼐弟鼐

閔新

釋響山

開周氏

李昭敏

湖北詩徵傳畧卷二十三

應城

孝感丁宿章星海輯 子溥校字

宋

張道清

字得一號三峯

道清郢之蒲騷里人紹興元年母感異夢而生六歲徙居長森

灣

今屬京山

卽好道常數日不食或入山半旬不返家人蹤跡之則

執卷坐卧一崖下虎伏其側馴服如家畜由是里人異之以道

術濟人禱雨治疾輒應莫知其師授也孝宗時應召入京資予

甚厚旋入崇陽九宮山開道場年六十餘坐化臨化說偈曰幻

質塵勞方度六紀憫一切情如渴赴水踏破鐵鞋尋根索底一

剎那間眾流截止今日逃形湛然脫屣嘆分明記得來時路乘

彼白雲歸帝鄉至今遺蜺猶存

中都贈皇甫清虛云久戀帝鄉春虛名空繫身何如青嶂裏認
取自家真

昭華

消

字廉卿成化進士官推
官有西山集東山集

清穎慧博治游南雍與陳獻章比舍居朝夕講肄而學益成任
蘇州推官以直免歸杜門自適文章爾雅兼工書畫

伍家山云羣山毓地靈厓壑闕深阻中有伍氏居蓬蒿翳壤堵
逃名事不傳此道亦自古人亡世已非茲山猶姓伍石林蕨如
拳龍井泉流乳何當在幽棲攀蘿結茅宇

陳士元

字心叔號養吾嘉靖進
士官知州有歸雲集

子階

士元少蹶弛負幹濟才牧灤州有能聲旋棄官徧游五嶽所至輒爲記述及歸閉門博考者垂四十年所著有歸雲集論語類考孟子雜記古俗字略韻苑考遺五經異文易象鉤解彙解夢占逸旨灤州志姓滙姓觴名疑象教皮編釋氏源流書目載明史藝文志又新宋史新元史楚故略楚絕書隨疾恆言五嶽記氏疑俚言解江漢叢談荒史世應彞語音釋共三百八十餘卷皆已刊行其他散佚不傳者尙十餘種有明一代撰著之富若升庵楊氏凡二百餘種鬱儀朱氏凡百餘種士元賅博與兩家等而不苟同則鄭仲漁所云後十五略人未之聞者蓋兩家不如也

節在山
堂文集

養吾子學問淵雅經史子集各有撰著共四百餘卷收入四庫
者六十餘種詩不輕作而村居六言頗有逸致云淡淡輕烟巷
陌暉暉晴日樓臺入在管絃聲裏踏花沉醉歸來竹屋日長茶
熟水亭風細荷香不用蒲葵小扇自然心地清涼金井梧飄一
葉楚天鴈唳三秋何處數聲長笛明月人倚高樓古木寒鴉山
徑小橋流水人家昨夜前村微雪詩思欲問梅花又著百老歌
一卷有天门蕭聲潤序惜未見

子階字升也號吉敷貢生能繼父志好學工詞章有日涉編一
名編曰新書賀文忠公序行之

國朝

毛三代

字倩如康
熙舉人

三代少負詩名薄游西湖見亭壁有趙沛宏恩句愛而和之云
湖上最宜載酒瓢況逢佳節倍逍遙孤輪月滿三千頃一葉舟
橫十二橋何處鐘聲浮水面誰家笛韻落山腰薄游微醉清吟
久忘卻身羈客詠迨後趙巡撫湖北三代時任均州學正檄謁
訂交縉紳傳爲佳話

黃在瓚

字夢玉康熙舉人官知縣有存書樓詩文稿

在瓚少有文名官仁和著能聲善鑒別人倫識金殿撰姓于微
賤之中罷官歸不入城市惟與繼室陳餘青相唱和餘青工刺
繡善花卉翎毛詩多佳句如餘地留栽君子竹小窗近對美人
蕉送外之官云太平天子文章重清白家風夢寢安皆莊雅可

誦所著串香閣詩草惜未見

程大中

字季時乾隆進士官知縣有在山堂全集

大中潛心學殖經義以金壇王氏爲宗細膩熨貼獨出冠時詩尤清雋古文具典則始官蘄州學博旋主河東書院與蘄黃人士講切至密

通志

兄時塾中讀先生制藝見其根底醇厚已欽爲深于道者之言及縱觀在山堂集古詩效初唐音格清蒼近體冲淡不減右丞眞有令才人學人一齊頡首者孰云帖括妨韻語哉

九日懷王蔭子云天高散餘韻寒江咽深宵落日淡秋陰暮色山林表幽野迥無極對此孤飛鳥所思不得見息意待清曉題

畫云幽泉咽怪石獨鳥鳴深樹中有抱琴翁竚立雲生處截空
盤兩山其中穿一水小艇不見人人在松濤裏山靜飛煙直庭
空落葉繁略無人跡到或是古桃源殘陽掛老楓白雲起幽壑
漁翁晚不歸投竿方獨酌感寓云歲晏多悲風蕭蕭下庭樹霜
日照枯林葳蕤難再過志士無懷抱常恐時節暮慷慨事遠征
力疾託高步譬彼中流楫長颺非所顧安能空谷嗟泣然向歧
路皚皚明月光中夜皎虛碧起坐臨前除俛仰見陳迹歲華歛
征遷風景異疇昔端坐懷遠心奈此百憂積三五乘化樞盈虛
理自適卽事一以欣往日豈足惜寥寥天宇空可以永遙夕窮
愁能著書依隱頗好道古來澹蕩人用此寄懷抱虞卿與子雲

適志苦不早說趙本倉皇美新益潦倒回首事已非感慨埽幽
討悠悠後世名鬱鬱令人老彌駕漢江陰結茆但容膝息心事
灌園抱甕興非一行見岫雲飛坐觀流泉泌去者既不歸來日
豈遑恤種秫五畝餘歲晏常在室得酒飲所親抄書自成帙逍
遙與化遊平生願已畢晨風發高樹虛寮流遠音桐花亦已落
草蟲相與吟私曲不能寫獨坐彈鳴琴拂拂指上絃悠悠清我
心仰見山月白便臨江水深所期達幽意此意誰相尋對月云
山寺月初出杳然秋氣深空江明獨鳥落葉響疎林羣動有時
息故人同此心何當共尊酒乘興坐梧陰吳觀川先生云楚國
先賢傳安州謂趙氏後興道州斯人難再得夫子自千秋山木悲無

限人琴寂不留春風竟何處江漢水悠悠江漢風流盡星霜隱
少微一從丹旆反長此素心違古道竟安放吾儕誰與歸中天
看北斗猶自照書幃先生送別詩有坐深頻視夜北斗近中天之句送別張白蕝云茂
晏風沙急寒江起暮愁思親雙泪限送子一虛舟計拙食常在
時豐酒易謀清尊聊共對雪霽好登樓雨中憶弟云江閣對微
雨寒颼鳴遠林白雲千澗落黃葉四山深薄宦已愁寂蕭齋多
苦吟遙憐吾弟健暇日酒頻斟留別蘄州同學云山館讐書日
天涯惜別心閒尋春草綠執手野雲深聚散自多感衷衷時一
吟娟娟江上月還與照清襟題寒江獨立圖云獨立寒江外蒼
涼抱影時天風吹不定客意欲何之交已絕山簡世應無子期

黃花秋正好待爾坐東籬野泊云山盡見幽寺鐘聲落水涯斷
烟橫小壑返照入平沙暮色楓初冷荒村菊有花茅檐沽酒處
最好是漁家鄂中得李雪堂書云美人下鄂渚遣我綠玉琴援
琴向流水一彈再三吟幽樹散遺籟可以清煩襟思君不得見
悠悠江水深過應山留別楊映人云十載一相見匆匆此夜心
月如前度好情覺老來深舊識無多在新詩喜共吟明朝谿路
遠不厭酒頻斟送邵鄭圃之漢上云極浦風初定輕帆獨去時
還山吾有約破浪爾能爲漢水半漁艇江村多酒旗興酣尋老
友好共賦新詩雨後遲菱湖曲云白蘋細細汀洲暖小艇牽風
香櫓短銀鱗刺促水禽飛青荷交映湖光滿漢南遊女江南客

孫

字信鹿乾隆舉
人有林庵詩鈔

余初於兩溟先生荆湖知舊集中得讀林庵詩嘆爲清婉獨絕
繼於閔蒙香扇頭見其自書絕句十餘首益擊節不置漢川劉
聘之文學復搜得叢殘稿本見貽摘其尤者錄之庶無寶山空
回之憾云和宛溪梁灝襍咏云客路入苔徑鐘聲出霜堡秋林
落葉多付與山僧掃曲曲芹塘水隨風碧流漾我來鷗不驚天
地何清曠懷人云春風吹花開旋復吹花落時序感遷流有懷
將焉託佇立望情人夕陽在澗壑朱仙鎮岳廟云若遂黃龍痛
飲心東京早見翠華臨誰教和議能愚宋自取神州竟付金古
廟三春寒劒戟忠魂千載傍微欽行人氣盡班師地不獨英雄

淚滿襟送人歸新安云三十六峯天際出黃山日日待歸人曾
聞人海稱奇境好與容成結比鄰秋水舟過彭蠡岸夕陽目斷
漢江濱他年東下揚帆席會向硃砂一問津秋夜與蔡蔚南坐
話因約王紱角汎舟云高秋微雨後搖落晚生愁賴爾素心侶
談詩明月樓因之見遠水欲往問沙鷗隔院王郎在相邀蕩小
舟寄騎石農引山兄弟云悔交爾兄弟長此繫人思前在武昌
日相逢都恨遲大江一揮手各贈篋中詩不朽吾儕事登壇愼
自持

制謁知
舊集

借鹿詩尙性靈勝人處在一眞字語重心長使讀者油然興起
五言妙入化境尤非它手所及讀莊子云援琴未及彈秋風生

十指乃知善解牛不在以目視日讀古人書古人寧在此白首
獵詞華所得焉足恃夢故人云昨夢故人來一笑慰相思寸心
言未已各各出新詩月落溪頭天欲曙故人辭歸不肯住同舟
送過板橋西回首故人在何處過秦似山喜晤張春晚云自以
不材老遑言知我稀君心偏引重人事任相違一掃竹園徑能
忘鷗鳥機況逢吾執友把酒未應歸重過秦似山云稚子喜相
報前年詩客來與君還執手落日正平臺風雨情何切形容老
漸催挑燈一夕話都付掌中杯尋范芝莊不遇值雨云道心時
一動動卽向間門已見竹連屋無端雲滿村疎籬過雨氣暮鳥
啄莓痕不識誰家酒還留靜者論尋范芝莊適見同龔定庵郊

行回賞白菊云客中不自得渡水間幽居之子方同步間雲早
識余笑談歸圃後高潔種花初稍待名心澹還來讀道書別鄧
覺庵云忘作他鄉客同來有故人傳經各攜子知己竟成鄰葉
聽一林雨花憐三月春請先從此去能不歎勞薪到家云到家
爭勸藉行路苦艱辛消息傳多失平安見始眞衣無榜前淚座
對夢中人莫道長安遠樓頭是北辰喜鄰人送家書至云出門
兒女病多端半月樓遲強自寬接得音書緘未啟鄰人口已報
平安

陳式勳

字佑輔號泗村貢生有
泗村詩稿隨安說約

式勳與其鄉人呂梁湖稱詩江漢熊兩溟詹湘亭二君稱其近

體爲晚唐聖手幽深淡遠味美于回信於此道稱三折肱手獨
坐云獨坐黃昏後霏微雨乍收涼風生老樹新月上層樓笛韻
頻催雁虫聲又和秋懷君終不見千里意悠悠漫興懷王香雪
云數椽茆屋泗湖濱賺得逍遙物外身白盡鬚眉年已老綠生
庭院草爭春酒消世慮全忘我詩寫天真不傍人惟悵知音吳
楚隔難憑風雨話情親夜坐漫興云醉後狂歌一畝宮芸窗獨
坐萬緣空西風冷露聞新雁秋雨寒燈聽夜蛩柏子香消人未
睡玉繩影落漏初終呼童更撥爐頭火覓句烹茶效放翁秋風
曲云秋風太無情掃落千林葉何似春如刀剪花成五色曉晴
云昨宵雨過芳非地烏鵲新晴曉春意晨起尋花露滿巾客來

剪韭苔霜展晚望云秋風蕭瑟靜寒烟看盡飛鴻斷復連莫道
西山日已晚餘霞散綺滿遙天

呂庭栩

字宛溪嘉慶舉
人有梁湖草

子其錦

庭栩家富有藏書喜吟詠善繪事性簡易嗜山水一邱一壑流
連忘返勤著述詩草外別有成語聯珠子史菁英對語餐花列
仙詩鈔麗藻引機賦譜五嶽志集句詩納涼偶對梁湖文存數
十卷

宛溪三歲卽能誦唐詩百首長益研精于風調格律于唐人中
最喜右丞襄陽兩家學焉而得其神髓性嗜山水對一松一石
緩步微吟恆至夜分不眠讀書務窮理趣心摹筆記如與古人

相質証以是發而爲詩宜共心手超而會悟遠也

節胡月崖撰詩序

同王亦園渭川尋劉秋潭別業云村墅雨初晴遠山澹眉顰步履乘微風沿溪翫荷苧故人讀書堂乃在碧雲渚茄花映疎籬豆莢蔓荒圃入門聆清譚促膝並揮麈滿懷縈別緒片時難盡吐芬馥斟酌醪銀絲薦鮮鱖脫巾坐石床披對滌煩暑水氣自生涼開軒面南圃垂簷與案齊誦羅三五吟晤澗瀉泉剖辨刀分縷揖客出書幃退立在雨廡憶昔觀插禾草堂共聚語兒童方襁褓總角弄雙琥茲來皆長成邯鄲學步武人事有代遷荏苒成今古感此引巨觴遲徊未忍去卻顧來時蹊斜陽在高樹題壁云耳不絕飛泉聲目不斷眾山色山色與泉聲幽人心

自得渡江待石曉亭不至云細雨孤蓬濕長江鼓櫓回昨宵春
水漲一逕野梅開風景猶如昔懷人遲不來抱琴誰與和悵望
白雲隈澗口晚泊云西風吹落葉樹樹起秋聲一棹烟中泊三
更夢裡情蕭瑟寒氣入飄蕩客心驚明日掛帆去長江萬里行
莫愁古渡云垂柳垂楊古渡頭飛花飛絮漾中流不知何處教
歌舞聞說盧家有莫愁艇子搖搖打兩槳芳魂寂寂空千秋可
憐山色如眉黛一任行人自去留憶李山人彈琴云憶子閒搗
綠綺琴一彈再鼓暮雲深水流花放高人意雁外鷗邊靜者心
落落丰姿越今古悠悠別去隔山林空齋夜雨秋蕭瑟不見含
愁空苦吟客中九日云鴻雁南飛木葉黃茱萸欲佩覺神傷客

心滿醉重陽酒忘卻登高在異鄉暮歸云揚鞭歸去近黃昏石
逕蒼苔過雨痕一路蟬鳴山下樹豆花深處是柴門送友云蘋
花香裏度殘春此別知君最愴神倚棹清吟誰是伴滿湖烟雨
一詩人天臺寺圖云寺在天臺第一峰白雲深處萬株松卧聞
猛虎當窗吼不遣山童出打鐘冷泉亭云峭壁孤峯萬仞青淡
烟斜月冷泉亭老僧獨枕松根卧夜半猿聲呼不醒竹林深處
起層臺白叟攜鋤踏月來蟋蟀草根吟不住野田無數豆花開
訪友云綠水紅蓮朵朵開故人邀我渡江來垂楊自是門前路
曾記看花上釣臺送曾舅甄菴云把盞頻辭酒力微臨岐欲別
轉依依落霞紅照春山路萬樹桃花一騎歸

讀梁湖草尙有佳句可錄者如水明山吐月風冷竹驚秋別夢
漢江水相思衡岳雲雲失隔江樹燈明何處船隴烟秧馬濕春
雨桔槔閑

其錦字蓮仲性敏嗜學詩有家法著水湄園詩話合髻山房詩
草四裔竹枝詞等書

褚于杜

字蘭仲號香畹道光
舉人有綠雲軒詩鈔

于杜以名解元工詩古文詞爲詹湘亭明府所擊賞詩雄渾骯
髒有青蓮之遺所著綠雲軒詩有樂陵史譜序同時有胡觀海
號鶴泉性豪邁喜吟詠尤工七律與香畹宛溪泗村輩相唱酬
有鶴泉集六卷惜均未見

李

鼎

字雪堂有
藥村詩鈔

弟鼐

有明一代吾邑稱博雅者無踰養吾陳氏所著歸雲集各種餉
遺來學渥於仙厨惟詩學鮮所津逮論者嘆焉我朝自乾隆中
是庵程先生以古今文模楷藝林謳吟所及亦復卓然成家詩
筆之在人固隨氣運爲美備哉與程先生同時居同井專以詩
學相切劘者則我外祖藥村李先生也先生於藝靡不嫻詩尤
夙慧踰冠棄舉子業遊漢上曉市持篝燈窗抱鄰地故楚北通
衢山水之秀杰甲於南中又有徐潛溪吳鶴關彭棟堂諸耆舊
爲之地主先生以醇粹之資鴻通之學翱翔其間磅礴乎性情
之真浸淫乎師友之益如是數十年而體日以備詣日以超信

有如原序所云入之深而得之難者

節楮于杜撰詩序

程大中曰雪堂五言古詩有天授非人力也

雪堂才大心細動興古會七古沉雄踔厲五古雋永幽深各極其妙五律律格氣味尤近王孟長城壁立允當拔弧先登七絕情韻悠然每多低徊不盡之意入神妙處當使漁洋避席應城同時稱詩如拳石之功力從學術中醞釀而出自當首屈一指論天分之高邁詞意之宏通執牛耳而主壇坫則不能不以推雪堂

寒上曲云何處游俠子吐氣若層雲朝來遶海上暮過交河濱涼颼一以發萬馬悲其羣黃沙白日短何以報明君送雪湖之

鄂城云落日淡歸雲冉冉飛鳥渡水店夜行船送子雷微露雙
槳下空青微茫辨前路子有遠遊懷脚趂不得吐俯仰見長江
濤聲滿江樹相望隔風煙何時展積素秋懷東程維楚云洞房
含夕霽幽意澄空明髮短不堪梳頓覺秋霜生藹藹芳歇歷
歷候蟲鳴端居有所思玉宇何淒清我心日惻惻我志日悠悠
人事已如此涼風吹不休嘆彼晨征鳥早歲稻梁謀望望鹿門
山空多鸞鶴倚江閣明寒燈歡情亦良苦所苦乃所歡此意在
千古落葉聚深根餘芳含宿莽晚歲多悲風蕭寂望平膺令名
固所先崇得要足取何以慰離思宴宴匪堪詡寄酬吳樗原兼
柬王櫟門云哀鴻無留響清瑟有遺音美人杳前路明月生愁

心朝爲斗酒會暮作白頭吟旦夕不足恃往歡安可尋
蘭歇盈盈華髮侵歛忽不得卧魂夢飛遙岑過在山堂感賦在
山堂程奉時別業也落成時索予詩未卽應而奉時忽沒今復
過之不勝腹痛之感云雲壑媚幽姿林秋悵遠色晚翠如可親
棲鳥似相識何意大化遷徑路頓成寂庭樹葉交飛堦草暗若
咽玉柱歇芳徽泠泠掛虛壁夙念薄浮雲悠然歛鳬鳥遽爾謝
塵寰銜淚何時息誰爲後來者遙遙空伫立黃鵠歛高飛千里
有返期元廬一以閉音響何由追昔去寒潭清今來草露滋虛
壁蟲爭語山空月攪思眇眇予何極冥冥君自茲百年信有數
一身詎能特顧念平生歡愴懷旦暮時澡德當不渝且從世所

嗤紡績娘云奈何紡績娘夜夜啼遶空林月墮秋冷然怨婦
起坐倡婦眠朱省堂訪虛中上人云一室連秋水扁舟直到門
偶同素心侶來聽遠公論琴韻松間落苔痕石上存蕭然人境
外可以澹心魂夜泊晴堤有懷吳檣原云衆峯爭向夕野泊有
孤舟一葉林間落行人易感秋夜涼先到水風定最宜鷗何處
思之子蕭然獨對愁送汪丹旻還新安云暮雲歸欲盡銀燭耿
離筵分手從今夕相期在百年秋飛孤雁影月上旅人船一望
寒江渺題襟各黯然羨君歸去好三十六峯深峯際多鸞鶴君
歸拂素琴時間空翠滴一發瑤華音何日能相訪暢予把臂心
過留學軒草堂見白梅云矮屋茅簷畔冰姿鬱靜觀春風吹不

覺子意眷高寒有夢因明月無人到夜闌回思風雪裏江上跨

驢看

丁丑冬客漢上同碧田尋梅

過訪易借園不值云秋花雜園獨過一

相尋之子去何所清風襲我襟苔生人跡少菊淡客情深對
堪娛悅時聞好鳥音喜程拳時朱省堂過飲寓樓云歡飲愛初
月故人登我樓念當逢歲暮相對等虛舟發興因良夜深情在
獻酬漏殘寒不覺孤柝起城頭懷友云秋林上涼月高館橫鳴
琴單居無所念中夜故人心已悵眾芳歇復茲清影沈相望持
堅白庶以慰分襟月夜懷人云圓月當今夕故人期未來清光
空抱影相憶獨徘徊涼露滋新柳春燈照落梅不成隱几卧寂
寞對深杯蛙聲云閣閣因何事偏於靜夜滋風櫺燈影暗花塢

月痕遲倚枕驚殘夢懷人攪獨思應知春水長好近插秧時東
寄胡靜軒云風雪辭知已經年未得書我懷漢南柳君戀武昌
魚草色粘天遠山光入望虛極知佳節近蒲酒可同釀追悼程
維楚云魂返知何所夜臺幾許長新愁託山鬼舊恨寄斜陽篋
滿珠璣秀囊空寶劍光塗窮更地底莫便倚清狂南園月夕遲
拳時不至云幽人乘月出予自愛宵深因見寂寥意不知清影
沈微吟望來客拂几動鳴琴相憶門空拚誰辭花露侵夜坐云
暑退月華滿露光星影流中懷無所累夜坐乃能幽池藻躍清
響林風生遠秋悠然忘物我寂寂等虛舟舟中望雨云蕭瑟漢
陽棹離懷開暮雲遙峯隨岸轉近雨入林聞詩力依然健卽醪

可得醺漸看天影濶沙雁不成羣夜坐懷纓蘭武昌云蕭寂引
愁緒思君月露深大江秋水濶今夜武昌吟行憶歲華晚坐聞
更鼓沈歸來家釀熟相待好同斟郊原間步懷邵鄭圃云四野
風清頻極目深林惟見燕雙飛入山雲影變嵐氣映水霞光開
夕扉宛彼邱園消夏好憶他之子報書稀天涯迢遞思明德渡
日虛隨騎犢歸留別諸同學云臨歧怕聽河梁曲且共樽前慰
寂寥散後歡場都是夢坐來心緒忽如潮黃花有約秋應好青
鏡私鬢欲銷鏡鼎山林何所就扁舟歸去雨瀟瀟尹公亭云
山光鬱翠萬重青水樹人家戶半扁欲吊昔賢無以薦疲驢獨
過尹公亭題雲田先生老蕩子行冊後云買得名姬大小喬當

筵一曲儘風騷只今惟有婣娟影曾照當年白板橋楚浦秋殘
鴻盡飛憑欄無語弔斜暉風帆葉葉寒江路不見當年蕩子歸
剝蝕蟲紋拂古箋縱橫眞草見前賢淒涼莫止驚秋客此物傷
心近百年茉莉云巧絡珠絲玉蕊斜偏宜帳底與窗紗風情最
是漢南好小巷紅燈夜賣花咏盆蘭云高館相思坐碧空陌頭
春盡棟花風美人寂寞征鴻杳愁對幽蘭一雨散漢上雜題云
湖波清似團團鏡照見鴛鴦自往還郎坐船頭儂船尾中流莫
羨女郎山草色青青柳色霏棟花風老送春歸郎行莫過漢陽
渡恐逐鴛鴦作隊飛白水湖過范立參故居云枳籬茅宇暮烟
殘杯酒當年憶結歡記得板橋曾渡處無多秋柳欲生寒野望

云朝陽初出豁雙眸信步郊原宿霧收一帶溪流黃葉滿門前
都繫打魚舟嶺上人家嶺後湖湖鄉未覺客行孤桃源園裏分
明見只少桃花三兩株瓶梅云四野風寒欲閉門稜稜篝火靜
黃昏一枝清淺憑誰寄春在江南何處柳簾幙生寒玉露侵短
僮睡觸盡屏深開門何處尋人跡風起蕭蕭月滿林其他佳句
如遠水客停棹亂山僧閉門風靜生幽願時清婉冷官興時適
無競入山遂以深孤館草深虛掩徑大江春好一登樓皆清脆
不落凡響

堯字縷蘭貢生官訓導有愈愚益拙文集博雅能文拙學王孟
曉發云照壁燈殘風悄吹故園千里繫離思那堪夢斷雞聲起

又是征人上路時又聞閔象香拔萃

某

云魏有詩孫名簡字惇

川績學未遇具有家法著鶴林詩稿雨窗舊聞蒲騷人物志

閔

新字若香嘉慶拔貢官訓導有雙桂堂海榴花集

新少負才名工制舉業爲詹湘亭所器授以誼法始肆力于聲律在唐賢願窺中晚門徑巴東謁冠菴公祠云巴國遺風古菴公廟貌新未宏賢相度先現宰官身奚俟符移出咸歌賦役均栽花盈縣邑歷棘副樞鈞政事參知拜朝廷利害陳定儲安大本論罰愧同寅抗表心逾壯牽衣帝不嗔鵬程初展翼鳳閣數批鱗新授平章事同欽簡界臣邊烽難遽靖鑾輅勸時巡勝算能先握親征請更申嚴明張號令專決掌絲綸已獲千餘乘何

須百萬緡奉書盟有日懽舞爽惟民福將讒孤注勳名祇浹旬
從來功不賞況復謫尤頻海嶠危南嶺星雲遠北辰澶淵空往
事鎖鑰更何人竟向雷州謫終稱宰相眞蒸羊消舊怨走狗記
清貧帷幄無嫌敝資財況不珍有囊空貯劒掛竹已生筠巫峽
鑄忠愛青州念舊仁巍巍存棟宇奕奕具丰神評事官雖薄成
安化未泯秋風勞想像孤月照沉淪楚北瞻遺趾荆南拜下塵
當年蒙毀謗此日見忠純瘴雨千秋樹蠻烟幾度春訪求欣有
地景仰豈無因莫羨公常在須知吏貴循至今尸且祝長此薦
明禋記得云記得瓊枝久望時當年冰雪證襟期蓮花湖上風
迎面楊柳堤邊月上眉妙法有因難意想窮途何處感心知祇

今木葉蕭蕭日誰識秋來宋玉悲芝山遙望說神仙夢澤陽臺
事惘然鳳到碧梧霄漢路鷗尋白荻冰雲綠有情芳草春風
得意名花夜月圓幾度人間天上思歲華如水換流年落花云
一夜東風可奈何紅牆吹落已無多飛來片片沾蛛網惹得遊
蜂訝入羅

丙子新正隨侍湘亭師計車入都王君懷豐

士昌

褚君春長

上

林遠送江干別後卻寄云程門雪立萬山平入耳絃歌隔歲聲
且喜雙鳬飛漢渚要隨兩馬適周京留傳衣鉢沿途託料理琴
書塾御行先著一鞭輸祖述枉教起舞聽雞鳴那堪折柳到旗
亭我亦驅車去不傳從此分襟成別賦豈真誇席羨明經春風

推殿征程暖孤月橫窗旅夢醒回首漢江烟樹裏夜堂誰伴一
燈青彝陵游臨江墅云臨江有墅枕江流未上天梯暫舍舟孤
塔影遮帆出沒曉鐘聲斷樹沉浮松關尚閉知僧嬾竹徑微吟
破客愁莫盼勝游還入夢招提雖好轍難留

正雅集

釋響山

有二生
詩稿

響山和尚前世本邑中楊氏子幼祝髮出游三十餘年不歸其
嫂有身夜夢和尚歸遂生響山在妊母不苟葷及生不食乳長
仍爲僧有慧性能詩精梵行久居京師老歸里築二生庵以居
又有妙空號着無著素林吟草均未見

閻秀

周

氏

諸生丁
學周室

周氏幼嫻內則工韻語自哭夫成數絕後終身不更作云在台
誰復勤加餐瘳鬼相逢覩面看試把天翁施報理從郎一一問
冥官九原渺渺憶家否竟似百川東向流略記生前猶惘惘亂
鴉夕照認歸舟又爭得兒夫似明月清光缺後又團圓檢點巾
箱饒手澤添愁怕見案頭書皆哀惻動人

李昭敏

國學王以圭室
有雙桂閣詩鈔

昭敏幼慧能詩工書札青年苦節自課二子讀國有雙桂日吟
詠其下有示子孤鶴吟七古尚瓌奇可誦中數偶云罡風吹折
團欒影高梧葉黃墜金井一鶴已隨朝露沈一鶴夜宿寒塘冷
死者難返生者哀徘徊終夜引長頸